

Allanguutissatut siunnersuut

uunga

Siunnersuut uunga: Siusinaartumik pensionisiaqarneq pillugu Inatsisartut inatsisaat nr. xx, xx.xx 2015-imeersoq

Aappassaaneerneqarnerani Naalakkersuisunit saqqummiunneqarpoq.

§ 4-mut

1. § 4 ima allassimassaaq:

§ 4. Inatsisartut inatsisaanni matumani aapparisaq naatsorsuunneqartoq tassaavoq siusinaartumik pensionisiaqartup katissimallugu aapparisaa, nalunaarsukkamik aapparisaa, imaluunniit katissimanermut assingusumik sivikinnerpaamik ukiumi ataatsimi aapparisimasaa.

Imm. 2. Aappaasoq isumaginninnerup iluani ulloq unnuarlu angerlarsimaffimmut aalianger-simasumik najugalittut nuuppat, siusinaartumik pensionisiaqartoq kisimiittutut isigineqassaaq.

§ 8-mut

2. § 8-mi *imm. 3* kingornagut immikkoortoq nutaaq ikkunneqassaaq:

Imm. 4. Ataatsimiigiaqqusinnermut aggersaanermut najuutinngitsoornermi aamma qulaajaaf-figineqarnermi imaluunniit piginnaanngorsarneqarnermi peqataanngitsoqartillugu kingunerisassanik Naalakkersuisut malittarisassanik ersarinnerusunik aalajangersaasinnaapput.

§ 9-mut

3. § 9 ima allanneqassaaq:

§ 9. Inuit utaqqiisaagallartumik sulisinnaassutsimikkut annikillisisimasut piginnaanngorsaanermik ingerlatsissanngillat, qulaajaavigineqarnerup takutippagu maannakkut piginnaanngorsaneq neriunaateqanngitsoq aamma sulisinnaassuseq pitsanngortinneqarsinnaanngitsoq.

Imm. 2. Piginnaanngorsaanissaq pissanngilaq uppernarsarneqarpat, imaluunniit pissutit immikkuullarissut tunulequtaralugit ersarippat, pineqartoq sulisinnaassuseqanngitsoq siunissamilu sulisinnaassusaa ineriartortinneqarsinnaassanngitsoq.

§ 10-mut

4. § 10 ima allanneqassaaq:

§ 10. Sulisinnaassuseq pillugu naliliinnermut sumulluunniit attuumassuteqanngitsumik naammagittaalliuutinik qitiusumik suliaqartussanik siusinaartumik pensionisiaqarneq pillugu naammagittaalliuuteqartarfimmik Naalakkersuisut pilersitsissapput.

Imm. 2. Pensionisiaqarneq pillugu naammagittaalliuuteqartarfiup suleriaasissaanut naammagittaalliuuteqartarfiullu sulinissaanut, kiffartuussinikkut anguniagassaanut, piffissamilu atuuffiusumi naammagittaalliuuteqartarfiup siulittaasuanit innersuussisoqareerneratigut naammagittaalliuuteqartarfiup ilaasortaasa soraarsinneqartarnissaat pillugit kiisalu naammagittaalliuuteqartarfiup ilaasortaani akissarsisitsisarnissaq pillugu Naalakkersuisut aalajangersaassapput.

§ 13-imut

5. *Imm. 6* ima allanneqassaaq:

Imm. 6. Sulisinnaassuseq pillugu isumasiuinissamik aamma sulisinnaassutsip procentikkaartumik aalajangiivigineqarnissaanut tunngavissanik, sulisinnaassutsillu nalilernerqarnissaanut nalilersoqqinneqartarnissaanullu Naalakkersuisut malittarisassanik ersarinnerusunik aalajangersaassapput.

§ 14-imut

6. § 14 ima allanneqassaaq:

§ 14. Piginnaanngorsaareernerup naammassereernerani §§ 12 aamma 13 naapertorlugu sulisinnaassutsip naliiffigineqarnera nalilersoqqinneqarneralu kommunalbestyrelsimit suliarineqassaaq, taamaattoq tak. § 9.

Imm. 2. Kommunalbestyrelsi makku tunulequtaralugit aalajangiissaaq:

- 1) Nassuiaat, pineqartup ilinniagaqarnerup suliaqarnerullu tungaatigut piginnaasaanik unammilligassaanillu allaatigisaqartoq kiisalu pineqartup sulisinnaassusaa pillugu ineriartortitsinissaq annertusaanissarlu suliniutinik kommunalbestyrelsi aallarnisaasimappat allaatiginnittumik.
- 2) Nassuiaat, pineqartup sulisinnaassusaata ataavartumik annikillisimaneranik sunik tungaveqarnersoq allaatiginnittumik.

Imm. 3. Suut uppersaatissatut tunngavigineqassasut pillugit Naalakkersuisut malittarisassanik ersarinnerusunik aalajangersaasinnaapput.

§ 15-imut

7. *Imm. 3* ima allanneqassaaq:

Imm. 3. Siusinaartumik pensionisiat ilanngaateqassapput, siusinaartumik pensionisiaqartup aappaqarpallu ukiumut isertitai maanna atuuttut ilanngullugit, pisortanit utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiisutaat malillugu utoqqalinersiat ilanngunnagit, 28.000 kr. qaangerneqarsimappata § 17, imm. 2 malillugu siusinaartumik pensionisiat annerpaartaasa affaat ilassutigalugit. Aappaqartoqartillugu aappaasup isertitai kr. 100.000 siulliit ilanngunneqassanngillat.

§ 16-imut

8. Imm. 3 ima allanneqassaaq:

Imm. 3. Siusinaartumik pensionisiat ilanngaateqassapput, siusinaartumik pensionisiaqartup aappaqarpallu ukiumut isertitai maanna atuuttut ilanngullugit, pisortanit utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiis-sutaat malillugu utoqqalinersiat ilanngunnagit, 28.000 kr. qaangerneqarsimappata § 17, imm. 2 malillugu siusinaartumik pensionisiat annerpaartaasa pingajorarterutaat ilassutigalugit. Appaartoqartillugu aappaasup isertitai kr. 100.000 siulliit ilanngunneqassanngillat.

§ 17-imut

9. Imm. 2-4 ima allanneqassapput:

Imm. 2. Siusinaartumik pensionisiaq imm. 1 naapertorlugu ukiumut 110.664 kr.-nit tikillugit annertussuseqassaaq.

Imm. 3. Siusinaartumik pensionisiat ilanngaateqassapput, siusinaartumik pensionisiaqartup aappaqarpallu ukiumut isertitai maanna atuuttut ilanngullugit, pisortanit utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiis-sutaat malillugu utoqqalinersiat ilanngunnagit, 28.000 kr. qaangerneqarsimappata. Appaartoqartillugu aappaasup isertitai kr. 100.000 siulliit ilanngunneqassanngillat. Kr. 400.000 inorlugit isertitaqarnermi siusinaartumik pensionisiat annerpaartaat 20 pct.-inik minnerusumik pensionit aningaasartaat annikillisinneqarsinnaanngillat, siusinaartumik pensionisialik nammineq isertitaqanngippat, taamaattoq siusinaartumik pensionisiat atorunnaassapput kr. 400.000 qaangerlugit isertitaqartoqartillugu.

Imm. 4. Siusinaartumik pensionisiallip sulisinnaassusia nalilersuiffigineqaqqissaaq, pineqartup pensionisiat saniatigut 80.000 kr.-ninik isertitaqarsimassappat. Qaffasinnerpaamik pensionisiaqarnera allanngortinneqassanngilaq pineqartup sulisinnaassusianik nalilersuiffigineqarnerani.

§ 19-imut

10. § 19 ima allanneqassaaq:

§ 19. § 17 naapertorlugu qaffasinnerpaamik siusinaartumik pensionisiaqartitsineq immikkut pisoqartillugu, naleqquttumik akissarsiaqarfiusumik suliffeqalernissamut piffissami ikaarsarfiusumi, akuersissutigineqarsinnaavoq sivisunarpaamik ukiut ataasiakkaarlugit, naak siusinaartumik pensionisiaqartoq sulisinnaassutsimigut qaffasinnerpaamik siusinaartumik pensionisiaqarnissamut pinsinaatitsinngikkaluartoq. Tamanna immikkut pissutsini atuutissaaq najugaqarfigisami naleqquttumik akissarsiaqarfiusumik siusinaartumik pensionisiaqartoq

suliffissaqartinneqanngippat. Siusinaartumik pensionisiaqartoq naleqquttumik suliffissarsis-innaanissaa imaluunniit suliffimmik naleqquttumik pilersitsinissaq ingerlaavartumik periarfissarsiuussissalluni kommunalbestyrelsi pisussaaffigaa.

Imm. 2. Suliffeqarnissamut periarfissaqartillugu kommunalbestyrelsi innersuussisassaaq. Siusinaartumik pensionisiaqartoq suliffimmut innersuunneqartumut suliffik tulluurtuutillugu tiguisussaataavoq.

Imm. 3. Qaffasinnerpaamik siusinaartumik pensionisiaqartitsineq atorunnaassaaq qaffasinnerpaamik siusinaartumik pensionisiaqartitsinermut aallaqqaammut piumasaqaataasut eqquutsinneqarunnaarpata imaluunniit imm. 2 naapertorlugu suliffimmut innersuunneqartumut siusinaartumik pensionisiaqartoq itigartitsippat.

Imm. 4. Qaqugukkut suliffik tulluurtuunersoq pillugu Naalakkersuisut malittarisassanik ersarinnerusunik aalajangersaasinnaapput

11. Kapitali 7-imi qulequtaq ima allanneqassaaq:

Pensionit aningaasartaasa nalimmassartarneri, tunniussisarneq il.il.

§ 20-mut

12. § 20 ima allanneqassaaq:

Pensionit aningaasartaasa nalimmassartarneri

§ 20. Siusinaartumik pensionisiat ukiut tamaasa januaarip aallaqqaataani nalimmassar-neqartassapput, tak. §§ 15-18.

Imm. 2. Siusinaartumik pensionisiat aningaasaqarnikkut pissutsini annertunerusumik allanngortoqartillugu ingerlaavartumik nalimmassaavigineqassapput, tak. §§ 15-17. Nalimmas-saaneq allannguinermit qaammatip tulluuttup ullua siulleg aallarnerfigalugu atuutilertassaaq.

§ 21-mut

13. § 21 ima allanneqassaaq:

§ 21. Siusinaartumik pensionisiaqartoq qitornartaarsimalluni sulinngiffeqarnermut atatillugu isertitami ilaanik annaasaqarpat, siusinaartumik pensionisiat piffissami sulinngiffeqarfiusumut nalimmassarneqassapput.

§ 22-mut

14. § 22 ima allanneqassaaq:

Paaqqinnittarfinni il.il. angerlarsimaffiup avataani inissisimagallarneq

§ 22. Siusinaartumik pensionisiaqartoq paaqqinnittarfimmut il.il. angerlarsimaffiup avataanut inissinneqarallarpap tassanilu najugaqarneq pisortanit akilersorneqarpat, aamma siusinaartumik pensionisiaqartoq pilersuisussaataaiffeqarpat imaluunniit angerlarsimaffimmut aningaasartuuteqarpat, siusinaartumik pensionisiat allannguuteqassanngillat.

§ 23-mut

15. § 23 ima allanneqassaaq:

Angerlarsimaffiup avataanut paaqqinnittarfinnut il.il. sivilunerusumik inissinneqarneq

§ 23. Angerlarsimaffiup avataanut paaqqinnittarfimmut il.il. sivilunerusumik inissiisoqartil-lugu tassanilu najugaqarneq pisortanit akilersorneqarpat, qaammammi nuuffiusumi aamma qaammammi tulliuuttumi siusinaartumik pensionisiat allannguuteqassanngillat, tamatumalu kingorna siusinaartumik pensionisiat qaffasinnerpaaffiisa 20 pct-ii tunniunneqartassapput.

§ 24-mut

16. § 24 ima allanneqassaaq:

Paaqqinnittarfimmiinnermi tapit il.il.

§ 24. Siusinaartumik pensionisiaqartoq inissinneqartoq, tak. §§ 22-23, pissutsit ataasiakkaat nalilersuiffigineratigut inuttut tapeqartinneqarsinnaavoq. Meeqqanut tapisiaqartoqartillugu taakkununga pisinnaatitaaffik allannguuteqassanngilaq.

Imm. 2. Siusinaartumik pensionisiaqartoq angerlarsimaffigisami avataani inissisimajun-naarpat, qaammatip tulliuuttup aallaqqaataa aallarnerfigalugu siusinaartumik pensionisiat tunniunneqartarneri nanginneqassapput, tak. § 23.

§ 25-mut

17. § 25 ima allanneqassaaq:

Ilanngaassisarneq aamma nammineq akiliisarneq

§ 25. Angerlarsimaffiup avataani inissisimanermi siusinaartumik pensionisianik tunni-
ussisarneq pillugu, ilaatigut paaqqinnittarfinni il.il. inissisimanermi siusinaartumik pensionisi-
anik ilanngaassisarneq pillugu, kiisalu isumaginninnermi ulloq unnuarlu angerlarsimaffimmi
inissinneqarnermi nammineq isertitaqarneq pissutigalugu akiliisarneq ilanngullugu
Naalakkersuisut malittarisassanik ersarinnerusumik aalajangersaassapput.

§ 27-mut

18. § 27 ima allanneqassaaq:

§ 27. Meeqqanut tapit tunniunneqartarunnaassapput kinguliini patsisissaatitaasoq ataaseq
arlallilluunniit eqquutsinneqarpata:

- 1) Meeqqanik inuusuttunillu ikiorsiisarneq pillugu inatsisartut peqqussutaat malillugu meeraq
angerlarsimaffiup avataanut inissinneqarsimappat imaluunniit pisortanit tamakkiisumik
pilorsorneqarpat,
- 2) Meerarineqartoq ilinniagaqarnersiutisiaqarpat, matumani aamma sulilluni sungiusarnerup
nalaani tamatumunnga malittarisassat malillugit pisartagaqarpat,
- 3) Meerarineqartoq aapparminut, nalunaarsukkamik aapparminut meeqqamulluunniit nam-
mineq pilersuisussaataalerpat.

§ 29-mut

19. § 29 ima allanneqassaaq:

§ 29. Inuttut tapit pisuni ataasiakkaani pisariaqartitsinermik nalilersuereernikkut sivi-
unerpaamik ukiumut ataasiakkaarlugit ingerlaavartumik imaluunniit immikkut pisari-
aqartitsinikkut ataasiarluni kommunalbestyrelsimit akuersissutigineqartassapput.

Imm. 2. Inuttut tapit utertillugit akileqquneqarsinnaapput:

- 1) Illersorneqarsinnaanngitsumik aningaasanik aqutsinerlunneq pissutigalugu inuttut tapit
tunniunneqarpata, imaluunniit
- 2) Siusinaartumik pensionisiaqartoq inuttut tapinik pisartagaqartoq kingusinnerusukkat an-
ingaasanik piffissamut pineqartumut inuttut tapinik assinganik siunertaqartumik pis-
sarsisimappat.

Imm. 3. Utertillugit akileqqusineq aatsaat piumasarineqarsinnaavoq siusinaartumik pen-
sionisiaqartumut tapinik aningaasaliissuteqarnermut atatillugu utertitsisussaataitanermik ili-
simatitsisoqarsimappat.

Imm. 4. Siusinaartumik pensionisiaqartumut Kalaallit Nunaata avataani aalajangersi-
masumik najugaqartumut inuttut tapit tunniunneqassanngillat.

Imm. 5. Inuttut tapit pillugit Naalakkersuisut malittarisassanik ersarinnerusunik aalajanger-
saasinnaapput.

§ 30-mut

20. § 30 ima allanneqassaaq:

§ 30. Inuit Kalaallit Nunaanni najugallit siusinaartumik pensionisianik, meeqqanut tapinik inuttullu tapinik qinnuteqaat kommunalbestyrelsimut tunniutissavaat. Inuit kommuneqarfiit killilersugaanerisa avataanni najugallit siusinaartumik pensionisianik, meeqqanut tapinik inuttullu tapinik qinnuteqaat Naalakkersuisunut tunniutissavaat

Imm. 2. Isumaginninnikkut isumannaallisaaneq pillugu Nunat Avannarliit isumaqatigiisutaat naapertorlugu siusinaartumik pensionisianik qinnuteqaat Naalakkersuisunut tunniunneqassaaq

Imm. 3. Inuup nammineerluni qinnuteqarsimangitsup siusinaartumik pensionisiat pillugit kommunalbestyrelsi suliasamik aallartisisinnaallunilu aalajangiisinnaavoq.

§ 37-mut

21. Imm. 3 ima allanneqassaaq:

Imm. 3. Siusinaartumik pensionisiallip toqukkut qimagunneranut atatillugu aappaqarsimap-pat apparisimasaanut siusinaartumik pensionisiat qammammi toqukkut qimaguffiusup naaneraniit qaammatit marluk tunniunneqassapput.

§ 38-mut

22. § 38 ima allanneqassaaq:

§ 38. Siusinaartumik pensionisiat akiligassanut allatulluunniit pinngitsaalisaasumik akiliisitsiniarnermi pisortanut akiligassaqqartoqqartillugu taamaallaat attuumassuserneqarsinnaapput

§ 42-mut

23. § 42 ima allanneqassaaq:

§ 42. Inatsisartut inatsisaat 1. juli 2016 atuutilerpoq.

Imm. 2. Peqatigisaanik siusinaartumik pensionisiat pillugit Inatsisartut peqqussutaat nr. 4, 7. maj 2007-imeersoq aamma Siusinaartumik pensionisiat pillugit Namminersornerullutik Oqartussat nalunaarutaat nr. 13, 27. juni 2007-imeersoq atorunnaarsinneqassapput.

§ 43-mut

24. § 43 ima allanneqassaaq:

§ 43. Siusinaartumik pensionisialik inatsisip atuutisilernerani 60-nik ukioqalereersimanngitsoq, ukiut 5-t qaangiutsinnagit Inatsisartut inatsisaat manna toqqammavigalugu ukiut 5-t qaangiutsinnagit sulisinnaassutsiminnik naliliiffigineqartussaapput. Siusinaartumik pensionisialik inatsisip matuma atuutisilernerani 60-nik ukioqalereersimasoq imaluunniit § 9 imm. 2-naapertorlugu naliliiffigineqarsimaguni, nammineq aalajangiiffigisinnaavaa ilumut sulisinnaassutsini pillugu nalilersitsikkusunnerluni.

Imm. 2. Siusinaartumik pensionisialik inatsisip atuutisilerneraniit ukiut 5-t ingerlanerini sulisinnaassutsiminik nalilersuiffigineqarnikuunngitsoq, tak. imm. 1, ukiuni tulliuuttuni siusinaartumik pensionisiaqarnermi pensionisianik qaffasinnerpaanik pisartagaqartinneqassaaq.

Imm. 3. Siusinaartumik pensionisialik inatsisip atuutisilernerani 60-nik ukioqalereersimasoq, imaluunniit § 9, imm. 2 naapertorlugu inissisimasuusimasoq, § 17 naapertorlugu siusinaartumik qaffasinnerpaanik pensionisiaqaannassooq tamatumani kr. 80.000-it sinnerlugit sania-tigut isertitaqarsimanngikkuni aammalu nammineerluni sulisinnaassutsini pillugu nalilersuiffigitinnissani kissaatigisimanngikkuniuk.

Imm. 4. Siusinaartumik pensionisiallit inatsisip atuutisilernerani suli 60-nik ukioqalersimanngitsut, sulisinnaanertik pillugu nalilersuiffigineqarsimanngitsut siusinaartumik pensionisiaat imak annertussuseqarsinnaapput:

- 1) siusinaartumik pensionisialik kisermaa q ukiumut 109.000 kr.
- 2) siusinaartumik pensionisialik aappalik, tamatumaniilu aapparisaq pisortanit pensionisiaqarsimanngippat ukiumut 109.000 kr.
- 3) siusinaartumik pensionisialik aammalu inooqatigalugu aapparisa siusinaartumik pensionisialik ukiumut 81.750,-.
- 4) siusinaartumik pensionisialik utoqqalinermut pensionisialimmik inooqatigalugu aappalik ukiumut 71.286,-.

Imm. 5. Imm. 4-mi pisartakkat taaneqartut Nunatsinni Naatsorsueqqissaartarfiup pisiassat akii pillugit nalunaarsuisarnera (forbrugerprisindeks) naapertorlugu allannguutai naapertorlugit aaqiivigineqartassapput. Siusinaartumik pensionisiaat 3%-mik aaqiivigineqartassapput, pisiassanut akit 3%-mik allannguuteqarsimagaangata. Aaqiissuteqarneq pisassaaq tulliuuttumi 1. januar-imiit, tamatumanimi aallaavigineqassamat 1. julimi nioqutissat akiisa naatsorsorneqarneranni killiffigisaq.

Imm. 6. 1. januarimi aqqiissutigineqartussat pillugit Naalakkersuisut avammut nalunaaruteqartassapput.

Imm. 7. Siusinaartumik pensionisiaat appartinneqassapput siusinaartumik pensionisialik aapparisaaluunniit, sania-tigut imak isertitaqarnerat pissutigalugu, tamatumaniilu pineqanngillat Nunani Avannarlerni Isumaginninnikkut sillimmatit pillugit Isumaqatigiissutit:

- 1) Ukiumut 28.000 kr.-nit siusinaartumik pensionisialimmut kisermaamut.

- 2) Aappariinnut ukiumut 42.000 kr.-nit, tamarmik siusinaartumik pensionisiaqarsimappata.
- 3) Aappariinnut 42.000 kr.-nit arlaa siusinaartumik pensionisiaqarsimappat, aappaalu pisortanit pensionisiaqartinneqarsimangippat.
- 4) Aappariinnut 70.000 kr., arlaa siusinaartumik pensionisiaqarsimappat, aappaalu utoqqaliner-
nermut pensionisiaqarsimalluni.

Imm. 8. Siusinaartumik pensionisiat appaallatsinneqartassapput saniatigut isertitaqarneq apeqqutaatillugu, taavalu tunniunneqartarunnaassallutik isertitarisat ukunanit annertuneruler-
simassappata:

- 1) Siusinaartumik pensionisialik kisermaa-
k ukiumut 180.000 kr.-nit.
- 2) Siusinaartumik pensionisiallit aappariit tamarmik siusinaartumik pensionisiallit, 270.000
kr.-nit.
- 3) Siusinaartumik pensionisialik aapparisaalu pisortanit pensionisiaqartinneqanngitsoq, aap-
pariinnut ukiumut 270.000 kr.-nit.
- 4) Siusinaartumik pensionisialimmut aapparisaa utoqqaliner-
nermut pensionisialik, aappariinnut
ukiumut 300.000 kr.-nit.

Imm. 9. Naalackersuisut siusinaartumik pensionisiat pillugit isertitatigut killissarititat qanoq
annertutigissanersut aalajangersaavigisassavaat.

Imm. 10. Imm. 4-8-mi pisartakkat qummullu killissarititat taaneqartut atorunnaassapput,
siusinaartumik pensionisiaqartarnermut nalilersuineq isumannaarneqarsimappat, kingusinner-
paamillu inatsisip atuutilerneraniit ukiut 5-t qaangiunnerisigut.

Inatsisissatut siunnersuummut oqaaseqaatit

Inatsisissatut siunnersuummut oqaaseqaatit nalinginnaasut

Siusinaartumik pensionisiaqarneq pillugu inatsisissatut siunnersuut siullermeerlugu suliar-
neqarpoq UPA 2015-imi. Aappassaaneerinninneq UKA 2015-imut kinguartinneqarpoq. Ta-
massuma kinguneraa atuutilersitsinissamut piffissaritinneqartup allanngortittariaqarnera.

Taassuma saniatigut arlalitsigut oqaatsitigut erseqqissaavigineqarpoq ilanngussaartoqar-
lunilu, taamattaq inatsisissatut siunnersuummi oqariaatsitigut utoqqalinersiat pillugit inatsi-
sissatut siunnersuummi atorneqartut assigilerlugit. Isertitat maanna atuuttunut tunngatillugu
inatsisissatut siunnersuutikkut siusinaartumik pensionisiaqarnermut, utoqqalinersiaqarnermut
aamma inissiani ineqarnermut tapiissuteqartarneq pillugu siunnersuummi oqariaatsit assigiit
atorneqassapput.

Allannguutissatut siunnersuut aningaasatigut allaffissornikkulluunniit sunniuteqartussanngilaq.

Isertitat maanna atuuttut

Inatsisissatut siunnersuummi oqariaaseq ”isertitat maanna atuuttut” atorneqarpoq. Oqariaaseq paasineqassaaq siornatigut atorneqarsimasumut oqariaatsimut ”isertitat akileraarutaasussat”-nut. Inatsimmi oqariaatsip allangortinneratigut innuttaasup qinnuteqaateqarnerata nalaani isertitaqarneranik tunngasunik naatsorsuisarneq naleqqunnerusoq atorneqalissasoq naatsorsuutigineqapog.

Allannguuteqarnek tunulequtaqarpoq isertitat akileraarutaasussat paasissutissat ullumikkut ikiorsiissutinut naatsorsuineri toqqammavigineqartut ukiut marluk angullugit pisoqaasuseqalereersimasinnaasarmata taamaalillunilu innuttaasup isertitai maannamut atuuttunut tunngatillugu takutitsissutaajunnaarsimasarlutik.

Isumaginninnikkut politikkeqarnermi toqqammaviuvoq isumaginninnikkut ikiorsiissutit aalajangersimasumik pissaaleqisoqarnera aallaaveqassasut, innuttaasup qinnuteqaateqarnerata aamma tunniussinerup nalaani isertitani pissutsit apeqqutaallutik. Isumaginninnikkut ikiorsiissutit sanngiinnerpaanut aningaasaqarnikkullu ajornerpaamik inissisimasunut sammitinneqartariaqarput.

Isumaginninnikkut ikiorsiissutit annertussusaasa naatsorsornerini inuttaasup isertitai maanna atuuttuni paasissutissat atornerisigut isumaginninnikkut ikiorsiissutit aningaasartaasa annertussusaat eqqornerusut tunniunneqartarnissaat qulakkeerneqassaaq. Ullumikkut isertitaqarnikkut paasissutissat nutaarluinnaat Skat/sulinal atorlugu aaneqarsinnaapput, taamaalilluni siunissami isumaginninnikkut ikiorsiissutit innuttaasup isertitai maanna atuuttuni il.il. nalimmasarneqarsinnaanerulissallutik.

Isertitat maanna atuuttut tassaapput A-t aamma B-t qaammatini kingullerni 12-ni ilanngaatisaqq ilanngaatigereerlugu. Isertitat maanna atuuttuni isertitat akileraarutaasussaangitsut tamarmik ilanngunneqartussaannngillat, isertitat DIS aamma GIS-imiit isertitat eqqaasannngikkaanni.

Aalajangersakkanut ataasiakkaanut oqaaseqaatit

Nr. 1-imut

Oqariaaseq aapparisaq maannamiit inatsimmi atorneqassaaq ataatsimut taaguutigalugu katis-simallugu aapparisaq, nalunaarsukkamik aapparisaq imaluunniit katissimanermut assin-gusumik aapparisaq sivikinnerpaamik ukioq ataaseq aappariinnermi sivilissuseqarsi-masumut.

Immikkoortoq 1-imut

Aalajangersakkap siusinaartumik pensionisiaqartut aappaqartut naligiissippai siusinaartumik pensionisialinnut katissimasunut imaluunniit nalunaarsukkamik aappaqartunut, matumani eqqarsaatigineqarmat najugaqatigiinnerup iluaqutissartai aammalu najugaqatigiinnerup sipaa-rutissartai.

Aalajangersakkami aalajangersarneqarpoq inuit katissimasuussasut, nalunaarsukkamik aap-paqassasut imalluunnit aappariinnermut katissimanermut assingusumik minnerpaamik uki-umik ataatsimik sivilissuseqarsimasumut.

Oqariaaseq aapparisaq maannamiit inatsimmi atorneqassaaq ataatsimut taaguutigalugu katis-simallugu aapparisaq, nalunaarsukkamik aapparisaq imaluunniit katissimanermut assin-gusumik aapparisaq sivikinnerpaamik ukioq ataaseq aappariinnermi sivilissuseqarsi-masumut.

Inunnik nalunaarsorsimaffimmi paasissutissat tunngavigalugit aalajangerneqarsinnaavoq si-usinaartumik pensionisialik katissimanngitsoq inersimasumik allamik najugaqateqartuuner-soq. Tunngavissaqarsinnaavoq misissussallugu taakku aappariittut katissimanermut eqqaanartumut aappariittuunersut. Ilumut taamatut aappariittoqarnersoq aalajangerneqassaaq siusinaartumik pensionisiallip nammineq paasissutissiineratigut, assersuutigalugu anin-gaasaqarnerup ataatsimoortuuneranik, meeraqatigiinneq, sulinngiffeqarnermi angalaqatigi-ittarnerit il.il. tunngavigalugit.

Siusinaartumik pensionisialik inummik allamik najugaqateqarpat aappariinnermut nalingin-naasumut tunngasuunngitsumik, assersuutigalugu ilaqtaminik, taava siusinaartumik pensio-nisialik kisermaatut pisinnaatitaaffeqassaaq.

Siusinaartumik pensionisiallit katissimasut imaluunniit nalunaarsorneqartumik aappariittut, najugaqatigiinnersut apeqquttaanngilaq, imminnut pilersoqatigiinnissamut pisussaataaneq atuutiinnassammat.

Imm. 2-mut

Siusinaartumik pensionisialik aappaqartoq kisimiittutut isigineqassaaq aapparisaq ulloq unnuarlu isumaginninnikkut angerlarsimaffimmut ataavartumik nuussimappat. Taamaalilluni siusinaartumik pensionisialik aappaqaraluarluni aappariinnermi iluaqutissat attatiinnarsinnaajunnaassavai. Naleqqunnerpaasorinarpoq siusinaartumik pensionisialik kisimiittutut isigineqarpat aappaasoq nuuttoq inissisimanerup nalaani taamaallaat pensionip aningaasartaat 20 pct.-iinnaq tunniunneqartassammat pineqartoq siusinaartumik pensionisiaqarsimappat.

Nr. 2-mut

Imm. 4-mut

Aalajangersakkakut Naalakkersuisut malittarisassanik ersarinnerusunik aalajangersaasinnaapput innuttaasoq qulaajaaffigineqarnermi imaluunniit piginnaangorsarneqarnermi peqataangitsoorpat imaluunniit sammisassaqtitanut attuumassuteqartunut, ilaatigut ataatsimiinnernut aallarniutaasunut aggersaaneq ilanngullugu.

Nr. 3-mut

Imm. 1-imut

Aalajangersakkap aalajangersarpaa piginnaangorsasariaqassanngitsoq qulaajaavigineqarnerup takutippagu sulisinnaassutsip ineriartortinnissaanut piginnaangorsaqqiinikkut misiliinerit neriunaateqanngippata.

Aalajangersagaq atorneqassaaq pissutsini, maanna piginnaangorsaqqiineq neriunaateqanngitsutut nalilerneqarpat.

Assersuutitut taaneqarsinnaavoq piginnaangorsaqqiineq neriunaateqanngitsoq tassaasinnaasoq qulaajaavigineqarnerup nalaani piginnaangorsaqqinneqarnissaq qinnuteqartup naammassisinnaassanngippagu. Imaattoqarsinnaavoq qinnuteqaateqartup maanna piginnaangorsaqqiineq naammassisinnaanngikkaa, kisiannili pissutsit qinnuteqaateqartup atugai § 9, imm. 2-mi ilaatinneqanngitsut.

Aalajangersakkamut tunngatinneqassapput inuit atornerluineq pissutigalugu imaluunniit siusinaartumik pensionisiaqarnissamik qinnuteqarnerup nalaani suliffeqarnikkut patajaatsumik

suliffeqarsinnaangitsut taamaalillutillu sulilernissamut piareersimangitsut. Taamaattoqartil-lugu malittarisassat allat tunngavigalugit suliniutinik aallartitsisoqartariaqarpoq.

Aalajangersagaq inunnut tunngatinneqarpoq siunissaq ungasinnerusoq isigalugu sulisinnaas-susermik ineriartortitsisinnaasunut, pineqartoq aallaqqaammut piffissaq eqqorlugu takkuttar-nissaanut ikiorneqarpat imaluunniit atornerluineraniit qaangiinissamut il.il. Pineqartoq sulif-fimmik paarsisinnaalerpat atornerluinnaarsimallunilu sulisinnaassuseq ineriartortinneqarsin-naassaaq.

Qulaajaaviginneqarnerup takutippagu siusinaartumik pensionisiaqarnissamut qinnuteqartoq piginnaangorsaqqiinissamik naammassinnissinnaassanngitsoq, piginnaangorsaqqiinissaq ingerlanneqassanngilaq.

Aalajangersagaq ikkuneqarpoq inuit piginnaangorsaqqiinissamut neriunaateqartoqartinnagu kommunit piginnaangorsaqqiinermut pinngitsaaliisarnissaat pinngitsoorniarlugu. Pisuni piginnaangorsaqqiineq neriunaateqanngitsutut nalilerneqarpat suliniutit allat aallartinneqas-sapput. Kommuniip taarsiullugu suliniutit aallartittariaqarpai qinnuteqartoq ikiorniassallugu, assersuutigalugu ullaakkut makissinnaalersillugu suliffimmilu patajaatumik aggertalersin-naalersillugu, imaluunniit suliniutinik aamma katsorsaannissamik neqeroorutininik innuttaasooq atornerluinnermit qaangiinissaanut ikiorneqarnissaanik aallartitsilluni.

Atornerluisoqartillugu qulaajaavigineqarneq kinguartinneqarsinnaavoq katsorsaaneq misilin-neqareerpat.

Imm. 2-mut

Aalajangersakkap ersarissarpaa piginnaangorsaaneq ingerlanneqassanngitsoq qinnuteqartoq sulisinnaassuseqannginnera ersarilluinnarpat.

Maannamut tikillugu inuit piginnaangorsaqqinneqarnissaannik taamaatitsisoqarsin-naasarsimavoq inuup suliffimminik paarsisinnaannginnera neriunaateqanngippat. Tamanna takuneqarsinnaavoq oqaaseqaatini maannamut atuuttumi § 6, imm. 2-mi. Tamannali immik-kut aalajangersagaliornikkut erseqqissaavigineqartariaqarsimavoq.

Ersarilluinnartumik pineqarput inuit tassaasinnaasut ima napparsimatigisut aammalu ersarillu-innartumik piginaassutsimikkut killeqalersimasut sulisinnaassusaasa ineriartortinnissaat mis-ilinneqarnissaat neriunaateqanngippat, assersuutigalugu annertuumik qaratsakkut akornute-qarnikkut, ineriartornermikkut kinguarsimasut imaluunniit sivikitsumik inuuneqartussatut naliligaasut.

Sulisinnaassutsip misilinneqarnera ersarilluinnartumik siunertaqassanngilaq innuttaasut annertuumik tarnimikkut atuussinnaassutsimikkut killeqarpata ineriartornikkut kinguarsimane-
rup kingunerisaanik, inuit qaratsamikkut annertuumik ajoqusersimasut imaluunniit tarnimik-
kut nappaateqartut aammalu inuit annertuumik nappaateqartut nakorsaqaarnikkut katsorsar-
neqarsinnaajunnaarlutik imaluunniit neriunaataarussimappata aammalu sivikitsumik inuune-
qarnissaq missiliorneqarpat imaluunniit nappaatigisaq sukkasuumik ajortikkiartorpat.

Pingaartuuvoq piffissaq ungasinnerusooq isigalugu sulisinnaassutsip apparsimanera pineqassa-
soq, ilaatigut tarnikkut pisinnaassutsip annikillismanera imaluunniit ineriartornikkut kinguar-
simaneq pissutigalugu, imaluunniit atornefluineq pissutigalugu assigisaanilluunniit sulis-
innaassuseqanngikkallarnek pissutigalugu. Tamanna pissuteqarpoq sulisinnaassuseq ataavar-
tumik apparsimasuussasoq, § 6, imm. 1 naapertorlugu.

Inunnik ersarilluinnartumik sulisinnaassuseqanngitsunik sullissinerup kingunerivaa kommu-
nalbestyrelsip qulaajaavigineqarnerup nalaani uppernarsaatissat attuumassuteqartut tamaasa
pissarsiarissallugit akisussaaffigimmagu.

§ 9, imm. 2 naapertorlugu siusinaartumik pensionisianik tunniussinerup kingunerivaa,
kingusinnerusukkut sulisinnaassutsip naliliivigineqaqqissanngitsoq tak. § 13, imm. 5. Taa-
maalilluni aalajangersagaq qaqutigootumik taamaallaat atorneqassaaq siunissami sulisinnaas-
sutsip qanoq iliornikkulluunniit pitsanngorsarneqarsinnaatinnagu.

Nr. 4-mut

Imm. 1-imut

Aalajangersakkap ersersippaa sumulluunniit attuumassuteqanngitsumut siusinaartumik pen-
sionisiaqarneq pillugu naammagittaalliuuteqartarfik pilersinneqassasoq. Naammagittaalli-
uuteqartarfiup sumulluunniit attuumassuteqannginnerata kingunerivaa siusinaartumik pen-
sionisiaqarneq pillugu naammagittaalliuuteqartarfiup aalajangigai Naalakkersuisut allanngor-
tissinnaassanngikkaat imaluunniit suliasanngorteqqissinnaassanngikkaat.

Taassuma saniatigut pensionisiaqarneq pillugu naammagittaalliuuteqartarfiup aalajangigai
Naalakkersuisunut suliasanngortinneqarsinnaanngillat taamaalillunilu aamma allaffissor-
nikkut oqartussanut allanut naammagittaalliuutigineqarsinnaanatik, tak. § 39, imm. 3.

Imm. 2-mut

Aalajangersakkap aalajangersarpaa pensionisiaqarneq pillugu naammagittaalliuuteqartarfiup
suleriusisaanik Naalakkersuisut malittarisassanik ersarinnerusunik aalajangersaassasut.
Suleriusissat nalunaarusiornikkut aalajangersarneqassapput. Ilaatigut suleriaasissaq, kiffartu-

ussinikkut anguniagassat, siusinaartumik pensionisiaqarneq pillugu naammagittaalliuuteqartarfiup sulineranut malittarisassat, ilaasortanik soraarsitsisarneq pillugu, kiisalu siusinaartumik pensionisiaqarneq pillugu naammagittaalliuuteqartarfup ilaasortaanik akissarsitsisar-nissaq pillugu malittarisassanik Naalakkersuisut suliaqassapput.

Nr. 5-imut

Imm. 6-imut

Aalajangersakkap aalajangersarpaa, sulisinnaassutsip isumasiornera, aammalu sulisinnaas-sutsip nalilersorneqartarneranut nalilersorneqaqqittarneranullu piumasaqaatit aammalu sulis-innaassutsip procentikkaartumik Naalakkersuisut aalajangiiffigisarnissaannut aalajanger-saanerulluni. Aalajangersagaq taamattaq piginnaatitsivoq malittarisassat taamaattut nalunaarusiornikkut aalajangersarneqassasut.

Nr. 6-imut

Imm. 1-imut

Aalajangersakkap aalajangersarpaa, sulisinnaassutsimik nalilersuineq aamma nalilersueqqin-neq kommunalbestyrelsimit suliarineqassasoq.

Siusinaartumik pensionisiaqalernissamik piumasaqaataavoq qinnuteqaateqartoq piginnaan-gorsaanermik naammassisaqarsimassasoq. Taamaattoq piginnaanngorsaaneq pin-ngitsoorneqarsinnaavoq qinnuteqartoq inuttut atugaasa takutippagu, piginnaanngorsaaneq ingerlanneqarsinnaanngitsoq inuttut pissutsit tunngavigalugit.

Imm. 2-mut

Aalajangersakkakut ersippoq suliamut uppernarsaateqarnissamik piumasaqaateqarneq. Si-usinaartumik pensionisiaqarnermi suliaqarnermi ataatsimut nassuiaat toqqammavigalugu kommunalbestyrelsi aalajangiisussaavoq, tassani pineqartup nukii unammilligassaalu suliffeqarnissaanut aamma ilinniartinneqarneranut sanilliullugit allaaserineqarsimassalluni. Nassuiaammi ilaassapput nukiit unammilligassallu ilinniarsimaneranut suliaqarnissaanullu sanilliullugit taamattaarlu allassimassapput kommunip suliniutitut suut aallartissimanerai sulisinnaassuseq qaffatsinniarlugu imaluunniit pitsanngorsarniarlugu.

Taakkua saniatigut saliamut atorineqartuni nassuiaateqassaaq sooq siusinaartumik pensionisi-aqartup sulisinnaassusaa ataavartumik annikillisimaneranik nalilerneqarnerneq. Taamaalilluni pingaaruteqarpoq sooq sulisinnaassutsip ataavartumik annikillisimanera allaatigineqarsima-nissaa.

Imm. 3-mut

Aalajangersakkami aalajangersarneqarpoq uppernaasaateqartarnissamik Naalakkersuisut malittarisassanik ersarinnerusunik aalajangersaasinnaasut.

Nr. 7-imut

Imm. 3-mut

Aalajangersakkap aalajangersarpaa siusinaartumik pensionisiat tunniunneqartut qanoq ilanngaateqassasut siusinaartumik pensionisiaqartoq aappaqarpallu isertitai ilanngullugit katillugit aalajangersakkami aningaasartaritinneqartut killissai qaangerneqartillugit.

Isertitat maanna atuuttut tassaapput isertitat A-t aamma B-t qaammatini kingullerni 12-ineersut ilanngaatisaqq ilanngaatigereerlugu. Isertitat maanna atuuttuni isertitat akileraarutitaqanngitsut tamarmik DIS aamma GIS-imeersut ilanngunneqassanngillat.

Nr. 8-mut

Imm. 3-mut

Aalajangersakkap aalajangersarpaa siusinaartumik pensionisiat tunniunneqartut ilanngaateqassasut, siusinaartumik pensionisiaqartup aappaqarpallu isertitaat maanna atuuttut ilanngullugit katillugit aalajangersakkami aningaasartaritinneqartut killissai qaangerneqartillugit.

Isertitat maanna atuuttut tassaapput isertitat A-t aamma B-t qaammatini kingullerni 12-ineersut ilanngaatisaqq ilanngaatigereerlugu. Isertitat maanna atuuttuni isertitat akileraarutitaqanngitsut tamarmik DIS aamma GIS-imeersut ilanngunneqassanngillat.

Nr. 9-mut

Imm. 2-mut

Aalajangersakkatigut naqissusiivigineqarpoq aningaasat siusinaartumut pensionisialimmut tunniunneqartartut 110.664 kr.-niussasut. Sulisinnaassutsimik nalilersuiffigineqarnikup sulisinnaassutsiminik nalilersuiffigitissimanermini 0 – 25%-illu akornanni sulisinnaasuseqarsimappat qaffasinnerpaamik pisartagaqartinneqarsimassaaq.

Saniatigut isertitaqartussuseq naapertorlugu siusinaartumik pensionisialik taaneqartutut pensionisiaqartinneqassaaq, tamatumani siusinaartumik pensionisiaqarnissamut piumasaaqaataasut naamassisinnaasimappagit. Siusinaartumik pensionisiaqartup tamakkiisumik pisartagaqarnissamut piumasaaqaataasut naamassisinnaassimangippagit, akerlianik § 7 naapertorlugu nalilersuisimaneq naapertorlugu pisartagaqartinneqassaaq.

Imm. 3-mut

Aalajangersakkap aalajangersarpaa siusinaartumik pensionisiat tunniunneqartut ilanngaate-qassasut, siusinaartumik pensionisiaqartup aappaqarpallu isertitaat maanna atuuttut ilanngullugit katillugit aalajangersakkami aningaasartaritinneqartut killissai qaangerneqartillugit.

Isertitat maanna atuuttut tassaapput isertitat A-t aamma B-t qaammatini kingullerni 12-ineersut ilanngaatisaqq ilanngaatigereerlugu. Isertitat maanna atuuttuni isertitat akileraarutitaqanngitsut tamarmik DIS aamma GIS-imeersut ilanngunneqassanngillat.

Imm. 4-mut

Aalajangersakkatigut naqissuserneqarpoq sulisinnaassuseq pillugu nalilersueqqittoqassasoq, qaffasinnerpaamik siusinaartumik pensionisialik saniatigut nammineq sulinermigut 80.000 kr.-nit isertitarisimappagit.

Aalajangersagaq ilanngunneqarsimavoq siusinaartumik pensionisiaqarnissamut akuerineqartut ataavartumik sulisinnaassusiat appariarsimassappat. Qaffasinnerpaamik siusinaartumik pensionisiaqartarput sulisinnaassusia 0 – 25%-ip akornanni inissisimasimappat. Siusinaartumik pensionisialik 80.000 kr.-nit saniatigut isertissinnaassimappagit tamatuma takutippaa, pineqartoq 25%-i sinnerlugu sulisinnaassuseqarsimassasoq. Siusinaartumik pensionisialik 80.000 kr.-nit sinnerlugit isertitaqarsimassappat sulisinnaassuseq nalilersuiffigineqaaqqittassaaq.

Siusinaartumik pensionisiallip isertitai nikisinneqanngikkallassapput 80.000 kr.-nit sinnerlugit isertitaqarsimatillugu. Tamanna imak paasineqassaaq siusinaartumik pensionisiallit saniatigut isertitarisartagai pissutigalugit pisartagarisai nikisinneqassanngitsut. Siusinaartumik pensionisiallip sulisinnaassusia nalilersuiffigineqareerpat taava siusinaartumik pensionisiasai qaffasinnerpaamik pisartakkanit nikisinneqassanngillat imaluunniit appasinnerusumut inissinneqassallutik, takukkit §§ 15 aamma 16.

Sulinikkut isertitat imatut paasineqassapput, siusinaartumik pensionisiaqartup sulinermigut isertitarisai. Assersuutigalugu katersaqarsimagaanni taakkunannga ernianik isertitaqarneq pissutigiinnarlugu sulisinnaassuseq nutaamik nalilersuiffigineqaaqqittussaanngilaq.

Maluginiaqquneqarpoq aappaqarsimagaanni katissimasamik, nalunaarsukkatut aaparisamik imaluunniit inooqateqaraani taassumap isertitarisai pissutigalugit sulisinnaassuseq nutaamik nalilersuiffigineqaaqqittussanngimmat. Katissisimasap aapparissuunniit isertitarisimasai aatsaat siusinaartumik pensionisiantut appartitsissutaasinnaapput imm. 3-mi taaneqartut patsisigalugit.

Nr. 10-mut

Imm. 1-imut

Aalajangersakkap ersersippaa ikaarsaarnermi pisuni immikkuullarissuni siusinaartumik pensionisiaqartoq appasinnerpaamik imaluunniit akunnattumik innersuussisoqarsinnaatinnagu tulluurtumik isertitsissutaasumik suliffeqarsinnaatinnagu qaffasinnerpaamik siusinaartumik pensionisianik akuerineqartassasoq, naak siusinaartumik pensionisiallip sulisinnaassusaa tamatumunnga pisinnaatitsissanngikkaluartoq.

Aalajangersakkakut ammaanearpoq siusinaartumik pensionisiaqartoq piffissami aalajangersimasumi killilerneqartumi qaffasinnerpaamik siusinaartumik pensionisiaqarnissamik akuerineqarsinnaasoq. Qaffasinnerpaamik siusinaartumik pensionisiaqartitsinissamut periarfissaq aaqqiissutaagallaannartutut isigineqassaaq, immikkut pisoqarnerani taamaallaat atorneqartassalluni.

Aalajangersagaq ammaassivoq qaffasinnerpaamik siusinaartumik pensionisiaqartitsinissamut akuersissuteqartoqartassasoq piffissami ukioq ataaseq tikillugu. Taamaalilluni periarfissaavoq assersuutigalugu qaammatini pingasuni qaffasinnerpaamik siusinaartumik pensionisiaqartitsinissamut. Taamaalilluni piumasaaqartoqanngilaq qaffasinnerpaamik siusinaartumik pensionisiaqartitsineq ukiukkaartumik akuersissutigineqartarnissaa.

Aalajangersakkap aalajangersarpaa, kommunalbestyrelsi pineqartumut suliffimmik tulluurtumik nassaarnissaa imaluunniit suliffissamik pilersitsinissamut misiliisarnissaq ingerlaavartumik pissussaaffigigaa.

Sivisunerusumik qaffasinnerpaamik siusinaartumik pensionisiaqartitsinissamik pisariaqartitsisoqartillugu tamatumunnga aalajangiisoqassaaq piffissaq aallaqqaataani aalajangiuneqartoq naatinnagu.

Imm. 2-mut

Aalajangersakkap aalajangersarpaa kommunalbestyrelsi suliffeqarnissamut innersuussisassasoq tamatumunnga periarfisaqartillugu. Siusinaartumik pensionisiallip suliffik innersuuneqartoq tiginissaanut pisussaaitaavoq, suliffik innersuuneqartoq tulluurtuuppat.

Imm. 3-mut

Aalajangersakkami pineqarpoq qaffasinnerpaamik siusinaartumik pensionisiaqarnerup atornaarsinneqarnera. Tamanna pisassaaq aallaqqaataani qaffasinnerpaamik siusinaartumik

pensionisiaqarnerup akuersissutigineqarnerani piumasaqaataasut naammassineqarsinnaajunnaarnerini.

Siusinaartumik pensionisiat qaffasinnerpaat aamma atorunnaarsinneqarsinnaapput siusinaartumik pensionisiaqartup suliffik kommunimit innersuunneqartoq tigorussanngippagu.

Imm. 4-mut

Aalajangersakkap aalajangersarpaa, suliffik innersuunneqartoq qaqugukkut tulluurtuunersoq Naalakkersuisut malittarisassanik ersarinnerusunik aalajangersaaffigisinnaagaat.

Nr. 11-mut

Kapitali 7-mut qulequtaq ima allanneqassaaq:

Siusinaartumik pensionisiat nalimmassarneri, tunniuneqarneri il.il

Nr. 12-imut

Aalajangersakkami pineqarpoq aningaasaqarnikkut pissutsini allanngortoqartillugu siusinaartumik pensionisiat nalimmassarneqartarnissaannik. Aalajangersakkap aalajangersarpaa isertitani pissutsini annertunerusumik allanngortoqartillugu siusinaartumik pensionisiat ingerlaavartumik allanngortinneqarsinnaasut.

Aalajangersakkami ilaatinneqarpoq siusinaartumik pensionisiallip aappaqarpallu ilanngullugu allannguuteqartoqartillugu, tamannalu maannamut inatsiseqarnermi atuuttuni sanilliullugu allannguutaavoq. Inatsisini siusinnerusuni siusinaartumik pensionisiaqartup aningaasaqarnikkut inissisimanagera taamaallaat isiginiarneqartarpoq, aappaasoq ilaatinneqarnani.

Imm. 1-imut

Siusinaartumik pensionisiaqarneq ukiut tamaasa nalimmassarneqarnera qulakkeerneqassaaq siusinaartumik pensionisiaqartumi aningaasaqarnikkut allanngortoqarnera ilutigalugu, tak. §§ 15-18.

§§ 15-18 innersuussutigalugu pineqarput siusinaartumik pensionisiallip aappaqarpallu ilanngullugu aningaasaqarnikkut allanngortoqartillugu nalimmassaanissaq, kiisalu siusinaartumik pensionisiat aningaasartaasa annertussusaat § 18 malillugu allannguuteqarsinnaaneri.

Imm. 2-mut

Ukiup ingerlanerani siusinaartumik pensionisiallip aappaqarpallu aningaasaqarnera ilanngullugu annertunerusumik allanngorpat pensioninik akilersuineq nalimmassarneqassaaq. Tamanna assersuutigalugu pisinnaavoq isertitat allat pisortanit pensionit minillugit allanngorpata, pensionisiaqartup aappaa toqukkut qimaguppat, imaluunniit pensionisiaqartoq kattissimanermini avippat imaluunniit aappariinneq atorunnaarsinneqarpat.

Nutaamik naatsorsuineq pissaaq maanna isertitat ilimagineqartuni toqqammavigineqartut atorunnaarpata imaluunniit annertuumik allannguuteqarpata, taamaalillunilu aningaasaqarnikkut pissutsit annertuumik allanngorsimappata.

§ 33-mi malittarisassap kinguneraa, siusinaartumik pensionisiallip inuttut imaluunniit aningaasaqarnikkut pissutsini allanngortoqartillugu kommunimut nalunaartussaataitanaera.

Nr. 13-imut

Sulinngiffeqarnek, naartunermi ullormusiat, erninermi aamma meeravissiarthaarnek pillugu Inatsisartut inatsisaanni § 26-mi ersippoq inunnut pisortanit pensionisiaqartoqartillugu ullormusiaqartitsisoqarnek ajortoq. Siusinaartumik pensionisiaqartoq saniatigut suliffeqarpat, erninerup kingorna sulisinnaassanngilaq taamaalillunilu isertitaqarnissamik amigaateqassaluni. Taamaalillunilu siusinaartumik pensionisiat nalimmassarnissaat pisariaqassaaq.

Siusinaartumik pensionisiaqartoq suliffimminiit naartunermut atatillugu aningaasatigut ikiorserneqarluni tunineqarpat siusinaartumik pensionisiat qaffanneqarnerani aningaasartat taakku ilanngaatigineqassapput, taamaalilluni marloriaammik akiliisoqarnissaa pinngitsoorniarlugu.

Nr. 14-imut

Aalajangersagaq atorneqassaaq, pensionisiaqartoq nammineq angerlarsimaffigisami avataanut inissikkallarnerani.

Aalajangersakkap aalajangersarpaa siusinaartumik pensionisiat tunniunneqartarneri allannguuteqassanngitsut angerlarsimaffiup avataani utaqqiisaasumik inissinneqarnek pineqartillugu. Taassuma saniatigut piunnaasaqataavoq siusinaartumik pensionisialik pilersugaqartussaati-taassasoq imaluunniit nammineq angerlarsimaffigisamut aningaasartuuteqassasoq, taamat-taarlu pisortat inissisimanermut aningaasartuutinik akilersuisuussasut.

Angerlarsimaffiup avataani inissinneqarnek assersuutigalugu patsiseqarsinnaavoq, siusinaartumik pensionisiaqartoq tamatumunnga pineqaatissinneqarsimasoq, inissisimaneq isumagin-

ninnikkut inatsiseqarneq naapertorlugu tunngaveqarpat, pensionisiaqartoq napparsimavimmut unitsinneqarpat, pensionisiaqartoq eqqartuussiveqarnikkut tigummineqarnera tunngaveqarpat imaluunniit pensionisiaqartoq angerlarsimaffiup avataanut innersuunneqarsimappat il.il.

Oqaatsimi atorneqartumi paaqqinnittarfimmut il.il. angerlarsimaffiup avataanut inissinneqarsinnaanermut periarfissat tamarmik qulaani taakkartorneqanngillat. Pisortalli inissiinermi aningaasartuutitut akilersuisuusussaapput.

Nr. 15-imut

Angerlarsimaffiup avataanut sivisunerusumik inissiisoqartillugu siusinaartumik pensionisiat allannguuteqartinnagit ingerlaannarsinnaassanngillat. Sivisunerusumik inissiisoqartillugu qaammammi nuuffiusumi aamma qaammammi tulliuuttumi siusinaartumik pensionisiat allannguuteqartinnagit tunniunneqassapput.

Taassuma kingorna siusinaartumik pensionisiani aningaasartat 20 pct.-inik ilanngaateqartinneqalissapput.

Nr. 16-imut

Imm. 1-imut

Siusinaartumik pensionisiaqartoq paaqqinnittarfimmut il.il. inissinneqartut ataasiakkaarlugit naliliiffigineqareermikkut inummut tapeqartinneqarsinnaapput. Siusinaartumik pensionisiaqartoq paaqqinnittarfimmiittumut siusinaartumik pensionisiaqartup immikkut ataasiakkaatut pissuserisaanik nalilersorneqareernerani tapinik tunniussisoqarsinnaavoq.

Paaqqinnittarfimmi il.il. inissisimanermi meeqqanut tapit sunnerneqassanngillat.

Imm. 2-mut

Aalajangersakkami takuneqarsinnaavoq siusinaartumik pensionisiaqartoq angerlarsimaffigisami avataani inissisimajunnaarnerani qaammatip tulliuuttup aallaqqaataa aallarnerfigalugu siusinaartumik pensionisiaasa tunniunneqartarneri nanginneqassasut.

Siusinaartumik pensionisiat tunniunneqarneri ima paasineqassapput, siusinaartumik pensionisiaqartup aningaasartat annertussusaanut pisinnaatitaanera tunngavigalugu.

Nr. 17-imut

Aalajangersakkami Naalakkersuisut malittarisassanik ersarinnerusunik aalajangersaasinnaanermik pisinnaatinneqarput assersuutigalugu siusinaartumik pensionisiat tunniunne-

qartarneri pillugit aalajangiinissani tunngavissanik il.il., ilaatigut isumaginninnikkut ulloq unnuarlu angerlarsimaffimmi inissisimanermi siusinaartumik pensionisiaqartoq nammineq isertitaqarpat akiliisarnissaanut, soorluttaaq paaqqinnittarfinni il.il. siusinaartumik pensionisiallip inissisimanerani siusinaartumik pensionisianit ilanngaasoqarsinnaanerani aalajangersaasoqarsinnaasoq. Nammineq isertitat ilaatigut tassaasinnaapput kaasarfimmiut, akissarsiat imaluunniit pisortat aqqutigalugit sammisassaqtitsinermit akissarsiat.

Nr. 18-imut

Inatsisitigut maannamut atuuttuniit allannguuteqarpoq, siornatigut aalajangersagaq meerarineqartoq sulinermini isertitai meeqqanut tapinut pingasoriaammik annertussuseqarpata atorunnaarsinneqartarneri atortussaatinneqarunnaarmat.

Aalajangersakkap aalajangersarpaa qaqugukkut meeqqanut tapit atorunnaassanersut. Meeqqanut tapit atorunnaassapput meerarineqartoq angerlarsimaffiup avataanut inissinneqarpat meeqqanut inuusuttunullu Inatsisartut peqqussutaat naapertorlugu, tak. imm. 1, nr. 1, imaluunniit nammineq pilersornissaminut periarfissaqarpat, tak. imm. 1, nr. 2-3.

Meeqqanut tapit atorunnaassapput meerarineqartoq angerlarsimaffiup avataanut inissinneqarpat meeqqanut inuusuttunullu Inatsisartut peqqussutaanni imm. 1, nr. 1 naapertorlugu,

Meeqqanut tapit atorunnaassapput imm. 1, nr. 2 naapertorlugu meerarineqartoq iliniagaqarnersiuteqarnek aqqutigalugu nammineerluni isertitaqarpat.

Meeqqanut tapit atorunnaassapput imm. 1, nr. 3 malillugu meerarineqartoq nammineerluni angajoqqaanngorpat imaluunniit meerarineqartoq katippat taamaalillunilu aapparminut nalunaarsukkamilluunniit aapparminut pilersuisussaataalerpat.

Maluginiarneqassaaq meeqqanut tapit atorunnaarnerini siusinaartumik pensionisiallip pilersuisussaataaneranut imaluunniit meeqqanut akilersuisussaataaneranut attuumassuteqanngimmat.

Nr. 19-imut

Tapinut atortussaaffiit ersarissarneqarput, tapiliussat aningaasanut nammineq atorsinnaasanut aalajangersimasumik atorneqarsinnaanngimmata, aningaasartuutit aalajangersimasut tamarmik akilereerneqarnerini siusinaartumik pensionisiaqartup aningaasat atorsinnaasai pineqartillugit. Taassuma saniatigut imm. 5 ikkunneqarpoq inuttut tapinik tunniussisarnek

pillugu Naalakkersuisut nalunaarusiornikkut ersarinnerusunik malittarisassanik aalajangersaasinnaalersillugit.

Imm. 1-mut

Siusinaartumik pensionisiaqartoqalersillugu kommunip isummerfigissavaa pensionisiaqartoq inuttut tapinik pisariaqartitsinersoq. Siusinaartumik pensionisialik siusinaartumik pensionis-aqalereernermi kingorna inuttut tapinik pisariaqartitsippat, ataasiarluni aningaasartuutitut imaluunniit ukioq ataaseq tikillugu ingerlaavartumik pineqartumi pissutsit allanngorneri pisutigalugit, tamanna kommunimut pineqartumit qinnuteqaatigineqarnikkut pisassaaq.

Kommuni tassaavoq inuttut tapinik tunniussisartussaq. Kommunit inuttut tapinik ingerlaavartumik tunniussisarneq pillugu najoqqutassanik assigiinngitsunik aalajangersaasinnaapput. Taamaattoq malugianiarneqassaaq kommunip taamaallaat inuttut tapinik tunniussisarneri aalajangersakkanik missingersuutinik aalajangersaasinnaamat, pisunilu ataasiakkaani aamma inuit ataasiakkaat pillugit siusinaartumik pensionisiallit pisariaqartitaat nalilersorneqartassammata.

Ataasiarluni tapiliussanut aamma ingerlaavartunut tapiliussanut atuutissaaq, aningaasartuutit pioreersut pisariaqartullu siusinaartumik pensionisiaqartup pisariaqartitaanut taamaallaat atuutissammata, tak. inatsimmi pisariaqartitsineq pillugu ataasiakkaarilluni nalilersuinissanut pi-umasaqaat. Inuttut tapinik akuersissuteqarnissanut pisariaqartitsinermut siunertaanngilaq inuttut tapit aningaasanut nammineq atorsinnaasatut atorineqassasut, imaappoq inuuniarnikkut aningaasartuutitut pisariaqartunut sanilliullugit sinneqartoorutigisassanngortillugit.

Ataasiarluni aningaasartuutitut nalinginnaasutut assersuutigineqarsinnaapput inuttut tapiinis-sanut attuumassuteqarsinnaasut:

- isarussat,
- atisat,
- pequttat,
- angalanermut aningaasartuutit tulluurtut.

Kommunip pisariaqartitsinermi nalilersuinermini eqqarsaatigisariaqarpaa ataasiarluni aningaasartuut siusinaartumik pensionisiaqartup nammineq akiliisinnaanera tulluartuusinnaanersoq, ilaatigut siusinaartumik pensionisiaqartup siusinaartumik pensionisiat aningaasartaat inuulluataarutissatut taaneqarsinnaasunut atorsimappagit.

Aningaasartuutitut ingerlaavartunut assersuutitut taaneqarsinnaapput inuttut tapeq tunniunneqarneranut atatillugu:

- atortussat immikkut ittut, ilaatigut soorlu siusinaartumik pensionisiaqartoq immikkut ittunik nerisaqartariaqarpat il.il.

Naliginnaasumik inuttut tapeqartitsisoqassanngilaq namminerisamik najugaq pitsanngorsaaf-figineranut, taamaliortoqarneratigut siusinaartumik pensionisiallip pigisaata nalingisa pisortanit akilerneqartumik qaffaasoqarneranik isigineqassammat.

Aalajangersakkami oqaaseqaatigineqartoq ”sivisunerpaamik ukioq ataasiarlugu aalajangerneqassaaq” kommunimit ima atorneqarsinnaavoq:

- Kommunip nalilerpagu pisariaqartitsineq utaqqiisaagallarnerusoq, tapiliusaaq utaqqiisaagallartumik tunniunneqarsinnaavoq assersuutigalugu ukiumut affaanut. Piffissap taassuma kingorna pisariaqartitsineq piunnarpat siusinaartumik pensionisiaqartoq ta-perneqarnissamut qinnuteqaqqittariaqarpoq.
- Kommunip nalilerpagu pisariaqartitsineq ukioq ataaseq sinnerlugu pisariaqartin-neqartoq, tapiliusaaq ukiumut ataatsimut tunniunneqaqqaarsinnaavoq, tamatumalu kingorna kommuni nammineerluni pissutsit nalilersuiffigeqqissavai. Assigisaanik kommuni tapimik tunniussisinnaavoq assersuutigalugu ukiumut affaannaagallartumut kommunip nalilerpagu pisariaqartitsineq piffissap taassuma kingorna nalorninartoqarpat, taamaalillunilu pisariaqartitsinerup nalilersoqqinnissaa kissaatigalugu. Taamaatoqarnerani siusinaartumik pensionisiaqartup nammineerluni qinnuteqarnissani eqqaamaniartariaqassanngilaa. Tamanna aaqqiissutissatut naleqquttuusinnaavoq pisariaqartitsineq piffisarititap naanerani sivikinnerusumik sivisunersumilluunniit ingerlaannarnissaa naatsorsuutigineqarsinnaappat.

Akuersissut nalilersoqqinneqassaaq kommunip ilisimalerpagu piffissami akuersissutigineqartup iluani siusinaartumik pensionisiaqartup inuttut imaluunniit aningaasaqarnikkut pissutsit allannguuteqarpata.

Imm. 2-mut

Aalajangersakkap aalajangersarpaa inuttut tapeqartoqartitsinermi qanoq ilinikkut utertitsilluni akileeqqusisoqarsinnaasoq.

Nr. 1-imut

Illersorneqarsinnaanngitsumik aningaasanik aqutsinerlunneq tassaasinnaavoq siusinaartumik pensionisiallip aningaasaatini tamaasa qaammatip aallartinnerani nungullugit atortaragit, taamaalillunilu qaammatip sinneranut siusinaartumik pensionisialik imminut pilersorsinnaajunnaarluni.

Illersorneqarsinnaanngitsumik aningaasanik aqutsinerlunnermut assersuut allaasinnaavoq pisariaqartitsisoqalerpat siusinaartumik pensionisiaqartup pisariaqanngitsunut inuulluataarni-
utinut eqqaanarsinnaasunut aningaasaatini annertuut atorsimappagit.

Utertitsilluni akiliisitsinissamut pisussaataaaffik killilerneqarsinnaavoq inuttut tapit ilaan-
naannut atuuttussanngortillugu, kommuni naliliippat assersuutigalugu pisariaqartitsineq
taamaallaat akisussaassuseqanngitsumik aningaasatigut atuinnermut annikinnerusumik
peqquteqartoq.

Akisussaassuseqanngitsumik aningaasatigut atuineq pisinnaavoq, siusinaarluni pensionisialik
imaluunniit siusinaartumik pensionisiallip inoqutaasa ilaanni atornerluisoqarsimasoq pingaar-
nerusumik pissuteqartinneqarpat.

Akisussaassuseqanngitsumik aningaasatigut aqutsineq pissutigalugu kommuni inuttut tapinik
tunniussippat, pissutsit naapertorlugit nalilersuinissamut tunngaviusinnaavoq siusinaartumik
pensionisiallip aningaasaqarnini nammineerluni aqussinnaaneraa nalilersussallugu, § 36 naa-
pertorlugu siusinaartumik pensionisiat tunniunneqartarneranni aqutsilerneramik kin-
guneqarsinnaalluni, tamatumani ilanngullugu inuttut tapit aamma meeqqanut tapit akiliutigi-
neqartarneri.

Akisussaassuseqanngitsumik aningaasatigut aqutsineq pissutigalugu inuttut tapinik akuersineq
imm. 3-p malitsigaa kommuni innuttaasumut tamanna pillugu paasisutissiinissaminut pisus-
saaffeqarmat taamattaq aamma tamatumunnga uppersaateqarnissani qulakkeertussaal-
lugu.

Nr. 2-mut

Assersuutaasinnaavoq inuk sulinermi ajutoorsimaneq peqqutigalugu siusinaarluni pensionisi-
aqarnissamut pisinnaatitaaffeqalersoq. Siusinaartumik pensionisiaqartoq kingusinnerusukut
sulinermi isertitaminik annasaqarnerminut ajutoorneq pissutigalugu taarsiivigineqarpat,
kommuni malitsigisaanik inuttut tapinik tunniussisimanermik utertitsilluni akiliinissamik pi-
umasaqarsinnaavoq, kisiannili siusinaartumik pensionisiat sinnerinut tunngassuteqanngitsu-
mik.

Imm. 3-mut

Piumasaqaataavoq inuttut tapit utertillugit akilerneqarnissaannut siusinaartumik pensionisia-
qartoq siuoorlugu utertitsilluni akilersuinissamik pisussaassutsimik ilisimatinneqarsimanis-
saa. Tamassumalu siuoorlugu uppersarneqarsimanissaa kommunip pisussaaffigivaa.

Imm. 4-mut

Piomasqaataavoq inuttut tapinik tigusisinnaassagaanni siusinaartumik pensionisiaqartup Kallaallit Nunaanni aalajangersimasumik najugaqarnissaa. Inunnut Isumaginninnikkut isumannaallisaaneq pillugu Nunat Avannarliit isumaqatigiissutaanni aalajangersakkat inuttut tapinut attuumassuteqanngillat.

Imm. 5-imut

Aalajangersagaq nutaajuvoq Naalakkersuisunullu piginnaatitsilluni inuttut tapinut malittarissassanik aalajangersaanissamut, ilaatigut aamma tunniussinermut, atorneqarfianut il.il.

Nr. 20-mut

Imm. 1-imut

Aalajangersakkami aalajangersarneqarpoq oqartussat sorliit siusinaartumik pensionisianut, inuttut tapinut aamma meeqqanut tapinut qinnuteqartoq Nunatsinni aalajangersimasumik najugaqartillugu qinnuteqaatinut suliaqarsinnaanermut piginnaatitaanersut. Aalajangersakkap aalajangersarpaa qinnuteqartoq Nunatsinni najugaqarpat, qinnuteqaat kommunalbestyrelsimut tunniunneqassasoq.

Taassuma aamma aalajangersarpaa Nunatsinni najugaqartunut, kisianni kommunit agguarne-risa avataanni najugaqartut siusinaartumik pensionisiaqarnissamik qinnuteqaat Naalakkersuisunut tunniunneqassasoq.

Imm. 2-mut

Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu aalajangersakkat Naalakkersuisunit aqunneqarput. Nunatta avataani najugallit najugaqarfimminninngaaniit qinnuteqaatertik Naalakkersuisunut nassitissavaat.

Imm. 3-mut

Aalajangersagaq amerlanertigut tamatigullu atuutsinneqassaaq inuit nammineerlutik siusinaartumik pensionisiaqarnissamik qinnuteqaateqarsinnaanngitsunut.

Nr. 21-mut

Imm. 3-mut

Aalajangersakkap aalajangersarpaa pensionisiaqartup toqukkut qimagunneranut atatillugu aapparissamut qimataasumut toqukkut qimaguttup siusinaartumik pensionisiassai qaammammi toqusoqarfiusup kingornatigut qaammatini marlunni tunniunneqassasut. Aalajangersakkap siunertaraa toqusoortoqarnerata kinguninnguatigut aapparisaasoq aningaasatigut oqilisaavigneqarnissaa.

Aalajangersagaq imm. 1-imut tapersiivoq qaammatip tulluuttup naanerani tunniussisarneq unitsineqassamat siusinaartumik pensionisiaqarnermi piumasaqaataasut naammassi-neqarsinnaajunnaarpata taamaalilluni aalajangersagaq atuutissanngilaq aapparisamik qimata-qartoqanngippat.

Aalajangersagaq ilanngunneqarpoq qulakkeerumallugu toqukkut qimaguttup pisartagaanik aappaasoq qaammatini marlunni siusinaartumik pensionisianik pisartagaqartarnissaa, siusi-naartumik pensionisiallip pisinnaatitaaffigisimasaanut assingusumik. Siunertaanngilaq assigi-inngisitsissalluni qimagaasoq siusinaartumik pensionisiaqartuunersoq imaluunniit pensionisiaqartuunnginnersoq.

Nr. 22-mut

Aalajangersakkap aalajangersarpaa siusinaartumik pensionit tapiliussaasinnaasullu taamaallaat pisortanut akiligassaqartoqartillugu allatullu pinngitsaaliinikkut akiliisitsiniarnerni akiliutigineqarsinnaammata. Tamanna ima paasineqassaaq, pensionisiaqartup akiligassaqarfii siusinaartumik pensionisiaanik pisortanut akiligassat pineqartinnagit akiliisitsiniarsinnaanngimmata.

Siunertarineqarpoq namminersortunut akiliisitsisinnaanerup imaluunniit pinngitsaaliis-sutaasumik akiliisitsisinnaanermik naammassinnitsitsisinnaanermut periarfissap atorunnaarsinneqarnissaa, pisortanilli akiligassaqarnermi tamatumunnga ammatinneqassalluni. Pisortat salliutinneqarnerinut ilaatigut pequtigitinneqarpoq pisortani oqartussaasut taamaallaat akiliisitsiniarnermikkut imaluunniit pinngitsaaliissutaasumik akiliisitsiniarnerminni siusi-naartumik pensionisiallip tamakkiisumik atugarisaanut sanilliullugu akiliisitsiniarnermut allo-riannikkallarnermi sukumiisumik isumaliutiginneqqaartarnerat.

Pisortat oqartussaasut akiliisitsisinnaanerup imaluunniit pinngitsaaliissutaasumik akiliisitsi-sinnaanermik naammassinnitsitsisinnaanermut aalajangiissappata pisortat ingerlatsineranni suliassat suliarineqartarnerat pillugu Inatsisartut inatsisaanni aalajangersakkat aamma Kalaal-lit Nunaanni eqqartuussisarnernut inatsimmi transbeneficiet (tassa pissaaleqilersinnaanermut tunngassuteqartumut, isumaqartinneqartoq pisariaqartumik angerlarsimaffiup attatiin-arneqarsinnaaneranut aamma inuuniarnermut akuerineqarsinnaasumik inissisimasoqartari-aqarneranik) pillugu aalajangersakkat alaatsinaallugit akilersuisitsiniarnerit pisinnaapput, taamaalilluni siusinaartumik pensionisialik siusinaartumik pensionisiami sinneranik naamma-ginartumik peqarsinnaaqqullugu. Tassa pisuni ataasiakkaani immikkut nalilersuisoqartassaaq

siusinaartumik pensionisialik siusinaartumik pensionisiamini tunniunneqartartussani qanoq atsigisumik annikillisaaffigineqarsinnaanersoq.

Aalajangersagaq kommuni siusinaartumik pensionisianit ilanngaassisinnanera imaluunniit siusinaartumik pensionisianik utertitsilluni akileeqqusisinnaaneranik mattussinngilaq. Aalajangersakkami aamma kommunip siusinaartumik pensionisianik pisartagaqartitsinikkut aqut-silernissamik aalajangiinissaanik, ilaatigut akiligassanut pisariaqartumik akilerneqartussanut aningaasartanik ilanngaassinissaq ilanngullugu mattunneqanngilaq.

Nr. 23-mut

Imm. 1-imut

Aalajangersakkap aalajangersarpaa siusinaartumik pensionisiaqarneq pillugu Inatsisartut inatsisaat 1. juli 2016 atulersinneqassasoq.

Imm. 2-mut

Aalajangersakkap aalajangersarpaa Inatsisartut inatsisaata atuutilerana ilutigalugu Siusinaartumik pensionisiaqarneq pillugu Inatsisartut peqqussutaat nr. 4, 7. maj 2007-meersoq atorunnaarsinneqartoq. Inatsisip atorunnaarsinneqarneratigut aamma Siusinaartumik pensionisiaqarneq pillugu Namminersornerullutik Oqartussat nalunaarutaat nr. 13, 27. juni 2007-meersoq maannamut peqqussut naapertorlugu atuutilersinneqartoq atorunnaarpoq. Malittarisassat taakua pisariaqartitsineq naapertorlugu malittarisassanik nutaajunerusunik taarserneqassapput.

Nr. 24-mut

Aalajangersakkami pineqarput ukiuni alloriarfiusuni sulisinnaassutsimik nalilersuisarnissani aammalu siusinaartumik pensionit tunniunneqartarnerini periuserineqartussat. Tamatuma saniatigut ukiuni alloriarfiusuni nalilersuiffigeqqinneqarnissaq tikillugu pisartagassat annertussaat taaneqarsimallutik.

Imm. 1-mut

Aalajangersakkatigut naqissuserneqarpoq innuttaasoq suli 60-liisimanngitsoq aammalu siusinaartumik pensionisiaqartoq inatsisip atuutilernerata kingorna sulisinnaassutsiminik naliliiffigineqassasoq.

Tamatuma saniatigut aalajangersakkap malitsigisussaassavaa innuttaasoq 60-nik ukioqalereersimappat imaluunniit § 9 imm. 2-mi taaneqartutut pineqarpat, nammineerlutik aalajangiiffigisinnaagaat ilumut sulisinnaassutsiminnik naliliiffigitinniarlutik. Taamaattumik taakununnga sulisinnaassutsimik nalilersuititsiniaraani piumassuseq aalajangiisuussaaq.

Taamatut piumassuseq toqqammavigalugu nalilersuiffigineqarnissap ilanngunneqarneranut pissutaavoq innuttaasut pineqartut aammalu inuussutissarsiornermik ingerlatserusuttut, periarfissinneqassammata sulisinnaassutsiminnik nalilersuiffigitissallutik tamatumali kinguneri-saanik isertitaqarnerulernissamut periarfissinneqassallutik.

Imm. 2-mut

Aalajangersakkatigut oqariartuutigineqarpoq siusinaartumik pensionisiallit inatsisip atuutiler-neraniit ukiut 5-t qaangiutsinnagit nalilersuiffigitinneqarsimangikkunik, taava siusinaartumik pensionisiaqartitsisarnerni pisartakkanut qaffasinnerpaanut inissinneqassasut.

Imm. 3-mut

Innuttaasumut 60-leereersimasumut imaluunniit § 9, imm. 2 naapertorlugu inissisimasunut, inatsit toqqammavigalugu pineqartut pinngitsaaliniarneqarsinnaanngillat sulisinnaassusertik nalilersortiffigissallugu. Ilumut nalilersortinniarnertutik nammineerlutik aalajangiiffigisinnaa-vaat.

Siusinaartumik pensionisiallip kissaatigisimangippagu sulisinnaassutsiminik nalilersuiffigi-neqarnissani, taava siusinaartumik pensionisiallip inatsimmi matumani § 17 naapertorlugu pisartagaqartinneqassaaq, aammalu sulinermit 80.000 kr.-nit tikillugit isertissimangikkunigit nalilersuiffigineqassanani.

Imm. 4-mut

Aalajangersakkatigut naqissusiivigineqarpoq siusinaartumik pensionisialinnut pisartakkat kisermaanut taavalu aappariinnut qanoq annertutigisassanersut.

Aalajangersakkami pineqarput inatsisip atuutilernerani innuttaasunut suli 60-nik ukioqalersi-mangitsunut, taavalu nalilersuiffigitinnissap pinissaata tungaanut atuutsinneqartussat. Sulisinnaassuseq nalilersuiffigineqareerpat, pisartakkat kapitali 6-mi taaneqarsimasut atuutitineqassapput.

Imm. 5-mut

Aalajangersakkatigut naqissusiivigineqarpoq siusinaartumik pensionisiat pisiassat akiisa naatsorsorneqartarnerat tunngavigalugu aalajangersaavigineqartassasut. Aalajangersakkami oqariartuutigineqarpoq, siusinaartumik pensionisiat 3%-mik nikiallatsinneqartassasut, tamatumani pisiassat akiisa naatsorneqarneranni nikiallanneq 3 point-inik annertussuseqarsimassapput. Aaqqiissuteqartarnerit ukiumut ataasiartumik 1. januarimi qaninnermi pisassallutik.

Imm. 6-mut

Aalajangersakkatigut naqissusiivigineqarpoq Naalakkersuisut ukiut tamaasa 1. januarimi aaqiissutissat saqqummiuttassagaat. Tamanna pisassaaq Namminersornerusut quppersagaani isumaginninnermut inatsisinit atuutsinneqartuni.

Imm. 7-mut

Siusinaartumik pensionisiat nikisinneqartassapput piffissami isertitarisat toqqammavigalugit.

Imm. 8-mut

Aalajangersakkatigut naqissuserneqarpoq nammineq isertitarisat toqqammavigalugit siusinaartumik pensionisiat nungutsinneqarnissaat tikillugu appariaallatsinneqartassasut.

Imm. 9-mut

Aalajangersakkatigut Naalakkersuisut pisinnaatinneqarput, aaqiissuteqartarnerni alloriarfiusussat aalajangersaavigisinnaasassagaat.

Imm. 10-mut

Aalajangersakkatigut erseqqissaavigineqarpoq pisartakkat killissarititallu imm. 4-8-mi aalajangersaavigineqarsimasut siusinaartumik pensionisialimmut inatsisip atuutilernerani atuusimasut, nalilersueqqereernerup kingorna imaluunniit inatsisip atuutilerneraniit ukiut 5-t qaangiunnerisigut atuukkunnaartassasut.